

Mješoviti Holding „Elektroprivreda Republike Srpske“ Matično preduzeće a.d.Trebinje
Zavisno preduzeće „Rudnik i Termoelektrana Ugljevik“ a.d. Ugljevik

Broj: 29431/21

Dana, 27.10. 2021. godine

Na osnovu člana 64. stav 1. tačka b), člana 70. stav 1, 2, 3. i 6. Zakona o javnim nabavkama („Službeni glasnik BiH“ broj: 39/14), člana 8. Pravilnika o uspostavljanju i radu Komisije za nabavke („Službeni glasnik BiH“ broj: 103/14), a na Preporuku Komisije za javnu nabavku broj: 29207/21 od 25.10.2021. godine, u postupku javne nabavke: „Nabavka mazuta“, otvoreni postupak, interni broj: 36/21, objavljen na Portalu javnih nabavki www.ejn.gov.ba pod brojem: 1276-1-1-300-3-311/21 od 19.04.2021. godine, Uprava Preduzeća, na sjednici održanoj dana 27.10. 2021. godine, donijela je:

O D L U K U

o izboru najpovoljnijeg ponuđača u postupku javne nabavke: „Nabavka mazuta“, otvoreni postupak, interni broj: 36/21

Član 1.

Prihvata se Preporuka Komisije za javne nabavke broj: 29207/21 od 25.10.2021. godine u postupku javne nabavke: „Nabavka mazuta“, otvoreni postupak, interni broj: 36/21, te se okvirni sporazum na period do 36 (tridesetišest) mjeseci i maksimalne finansijske vrijednosti do 5.190.000,00 KM bez PDV-a dodjeljuje ponuđaču: „TRIGMA“ d.o.o. Banja Luka.

Član 2.

Prijedlog okvirnog sporazuma dostaviće se na potpis izabranom ponuđaču po proteku roka od 15 (petnaest) dana, računajući od dana kada su svi ponuđači obaviješteni o izboru najpovoljnije ponude.

Član 3.

U slučaju ulaganja žalbe na ovu Odluku, Ugovorni organ će postupati u skladu sa članom 100. Zakona o javnim nabavkama.

Član 4.

Ova Odluka će se objaviti na WEB stranici Ugovornog organa: www.riteugljevnik.com, istovremeno sa upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama BiH.

Član 5.

Za realizaciju ove Odluke zadužuje se Služba komercijale Preduzeća i Služba za pravne i korporativne poslove.

Član 6.

Ova Odluka dostavlja se ponuđaču koji je učestvovao u postupku javne nabavke, shodno članu 71. stav (2) Zakona o javnim nabavkama BiH.

O b r a z l o ž e n j e

Postupak javne nabavke pokrenut je na osnovu Posebne odluke Uprave Preduzeća o pokretanju postupka javne nabavke broj: 1252/21 od 25.01.2021. godine i Posebne odluke Uprave MH „ERS“-MP a.d. Trebinje broj: 01-282-2/21 od 04.02.2021. godine.

Javna nabavka je sprovedena putem otvorenog postupka.

Procijenjena vrijednost javne nabavke je 5 190 000.00 KM bez PDV-a

Obavještenje o nabavci objavljeno je na portalu javnih nabavki dana 19.04.2021. godine, pod brojem: 1276-1-1-300-3-311/21.

Komisija za javne nabavke, imenovana Rješenjem Uprave Preduzeća o imenovanju članova Komisije broj: 22952/21 od 20.08.2021. godine, podnijela je Upravi Preduzeća Izvještaj o radu sa preporukom za dodjelu okvirnog sporazuma broj: 29207/21 od 25.10.2021. godine.

U postupku po Izvještaju je utvrđeno da je Komisija blagovremeno i pravilno izvršila otvaranje ponuda i o tome sačinila odgovarajući Zapisnik o otvaranju ponuda broj: 23650/21 od 24.08.2021. godine, a u kojem je utvrđeno slijedeće:

Do zakazanog roka za prijem ponuda za predmetnu nabavku, do 24.08.2021. godine do 10.00 časova, za predmetnu nabavku zaprimljene sljedeće ponude:

Naziv/ime ponuđača					
Blagovremene ponude/ datum i vrijeme prijema			Ukupna cijena ponude bez uračunatog PDV-a na paritetu DDP	Neblagovremeno primljene ponude	
1	Grupa ponuđača: „HIFA-OIL“ d.o.o. Tešanj i „EURO STIL“ d.o.o. Doboj		24.08.2021. godine u 7 ⁵⁵ časova	6.794.000,00 KM	/
2	„TRIGMA“ d.o.o. Banja Luka		24.08.2021. godine u 8 ²⁰ časova	9.282.500,00 KM	/
3	„SUPER PETROL“ d.o.o. Banja Luka		24.08.2021. godine u 8 ³¹ časova	7.752.270,00 KM	/
4	„SAGA ENERGY“ d.o.o. Sarajevo		24.08.2021. godine u 8 ³⁶ časova	6.794.000,00 KM	/
5	„HIFA-PETROL“ d.o.o. Sarajevo		24.08.2021. godine u 8 ³⁸ časova	7.110.000,00 KM	/
Krajnji rok za prijem ponuda bio je: do 24.08.2021. godine do 10.00 časova.					

Predstavnik ponuđača „TRIGMA“ d.o.o. Banja Luka je prisustvovao otvaranju pristiglih ponuda. Svim ponuđačima, koji su dostavili ponude u predmetnom postupku nabavke, je primjerak Zapisnik o otvaranju ponuda broj: 23650/21 od 24.08.2021. godine dostavljen isti dan putem mejla i na isti nije bilo primjedbi.

ANALIZA PONUDA

Zatvoreni sastanak Komisije, na kojem su pregledane pristigle ponude, te izvršena analiza dostavljene dokumentacije, održan je dana 12.10.2021. godine.

Analizom pristiglih ponuda, uvidom u priloženu dokumentaciju i suštinskom provjerom sadržaja i validnosti dokumentacije, Komisija je konstatovala sljedeće:

ANALITIČKI PRIKAZ TRAŽENIH I DOSTAVLJENIH DOKUMENATA NA OSNOVU KOJIH SE UTVRĐUJE POSTOJE LI RAZLOZI ELIMINACIJE PONUĐAČA

OBAVEZNI DOKUMENTI KOJE PONUDA MORA DA SADRŽI	Grupa ponuđača: „HIFA-OIL“ d.o.o. Tešanj i „EURO STIL“ d.o.o. Doboj	Ponuđač: „TRIGMA“ d.o.o. Banja Luka	Ponuđač: „SUPER PETROL“ d.o.o. Banja Luka	Ponuđač: „SAGA ENERGY“ d.o.o. Sarajevo	Ponuđač: „HIFA-PETROL“ d.o.o. Sarajevo
Obrazac za dostavljanje ponude - Aneks 2	Dostavljen	Dostavljen	Dostavljen	Dostavljen	Dostavljen
Obrazac za cijenu ponude - Aneks 3	Dostavljen	Dostavljen	Dostavljen	Dostavljen, nije u skladu sa zahtjevom iz Tenderskog dokumenta	Dostavljen
Obrazac za povjerljive informacije - Aneks 4	Dostavljen	Dostavljen	Dostavljen	Dostavljen	Dostavljen

Potpisan i ovjeren nacrt okvirnog sporazuma i ugovora - Aneks 5	Dostavljen	Dostavljen	Dostavljen	Dostavljen, nije u skladu sa zahtjevom iz Tenderskog dokumenta	Dostavljen
Popis izvršenog ugovora – Aneks 6	Dostavljen	Dostavljen	Dostavljen	Dostavljen	Dostavljen
Potvrda o izvršenom ugovoru	Dostavljena	Dostavljena	Dostavljena	Dostavljena	Dostavljena
Dokumentacija u skladu sa tačkom 3.1.1 pod a) Tenderskog dokumenta	Dostavljena, nije u skladu sa zahtjevom iz Tenderskog dokumenta	Dostavljena	Dostavljena	Dostavljena	Dostavljena
Dokumentacija u skladu sa tačkom 3.1.1 pod b) Tenderskog dokumenta	Dostavljena	Dostavljena	Dostavljena	Dostavljena	Dostavljena
Dokumentacija u skladu sa tačkom 3.1.1 pod c) Tenderskog dokumenta	Dostavljena	Dostavljena	Dostavljena	Dostavljena	Dostavljena
Dokumentacija u skladu sa tačkom 6.1 pod h) Tenderskog dokumenta	Dostavljena	Dostavljena	Dostavljena	Dostavljena	Dostavljena
Ovjereni Izjava u vezi člana 45. ZJN BiH – Prilog 1	Dostavljena	Dostavljena	Dostavljena	Dostavljena	Dostavljena
Izvod iz sudskog registra	Dostavljen	Dostavljen	Dostavljen	Dostavljen	Dostavljen
Ovjereni Izjava ponuđača u vezi člana 47. ZJN BiH – Prilog 2	Dostavljena	Dostavljena	Dostavljena	Dostavljena	Dostavljena
Potvrda poslovne banke ili druge ovlaštene finansijske institucije	Dostavljena	Dostavljena	Dostavljena	Dostavljena	Dostavljena
Ovjereni Izjava ponuđača u vezi člana 52. ZJN BiH – Prilog 3	Dostavljena	Dostavljena	Dostavljena	Dostavljena	Dostavljena
Garancija za ozbiljnost ponude	Dostavljena	Dostavljena	Dostavljena	Dostavljena	Dostavljena
Popunjen obrazac za zajednički nastup u slučaju nastupa grupe ponuđača – Prilog 6	Dostavljen	/	/	/	/

- **Ponuda Grupe ponuđača: „HIFA-OIL“ d.o.o. Tešanj i „EURO STIL“ d.o.o. Doboj**, nije ispunila sve uslove postavljene Tenderskim dokumentom, te nije prihvatljiva za Ugovorni organ, iz sljedećih razloga:

Ugovorni organ je tačkom 3.1 Tenderskog dokumenta odredio vrstu, kvalitet i količinu predmeta nabavke (specifikaciju predmeta nabavke), odnosno kao predmet nabavke definisan je **MAZUT (Lož ulje-srednje)**, a shodno tački 3.1.1 pod a) Tenderskog dokumenta ponuđači su vezano za predmet nabavke bili obavezni u svojoj ponudi dostaviti sljedeće:

„a) Izvještaj o kvalitetu ponuđenog mazuta (**lož ulja-srednjeg**), urađen od strane laboratorije akreditovane od strane nacionalnog akreditacijskog tijela zemlje iz koje je laboratorija. Uz izvještaj dostaviti važeći sertifikat o akreditaciji laboratorije u originalu ili ovjerenom fotokopiji ili običnoj kopiji. Izvještaj o kvalitetu se mora dostaviti u originalu ili ovjerenom fotokopiji i mora biti preveden na jedan od službenih jezika BiH.“

Grupa ponuđača: „HIFA-OIL“ d.o.o. Tešanj i „EURO STIL“ d.o.o. Doboj je, na stranama od 45 do 48 svoje ponude, dostavila Certifikat ispitivanja br: 210209_018, izdat od strane VURUP, a.s. Inspekcija Inspekcijско tijelo, tip C, Vlčie hrdlo, poštanski br. 50, 820 03 Bratislava 23, a koji je za predmet ispitivanja imao: **TEŠKI MAZUT HA (do 1% S)**.

Dakle, nedvosmisleno je jasno da je imenovana Grupa ponuđača u svojoj ponudi ponudila teški mazut, a ne srednji mazut kako je to zahtjevano tačkom 3.1 i 3.1.1 pod a) predmetne tenderske dokumentacije.

Takođe, i iz Aneksa 3 – obrazac za cijenu ponude, koji je imenovana Grupa ponuđača dostavila na strani 17 svoje ponude, nedvosmisleno se može utvrditi da je ista u ponudi ponudila teški mazut, a ne srednji mazut kako je to zahtijevano navedenim tačkama Tenderskog dokumenta.

Slijedom naprijed navedenog, ponuda Grupe ponuđača: „HIFA-OIL“ d.o.o. Tešanj i „EURO STIL“ d.o.o. Doboj nije prihvatljiva za Ugovorni organ.

- **Ponuda ponuđača: „SAGA ENERGY“ d.o.o. Sarajevo**, nije ispunila sve uslove postavljene Tenderskim dokumentom, te nije prihvatljiva za Ugovorni organ, iz sljedećih razloga:

Tačkom 6.1 pod d) Tenderskog dokumenta zahtijevano je:

„d) Potpisan i ovjeren nacrt Okvirnog sporazuma i nacrt Ugovora koji je dat u Aneksu 5 Tenderske dokumentacije, a koji ne mora biti popunjen.“

Ponuđač „SAGA ENERGY“ d.o.o. Sarajevo je na stranama od 24 do 29 svoje ponude dostavio Aneks 5 – Nacrt ugovora, koji nije u skladu sa navedenom tačkom predmetne tenderske dokumentacije.

Naime, Ugovorni organ je izmjenom tenderskog dokumenta broj: 15870/21 od 24.06.2021. godine, između ostalog, izmijenio Aneks 5 – Nacrt ugovora. Navedena izmjena tenderskog dokumenta i izmijenjeni Aneks 5 – Nacrt ugovora, Ugovorni organ je objavio u prilogu Tenderske dokumentacije na Portalu javnih nabavki BiH na adresi ejn.gov.ba, te na taj način učinio dostupnim svim potencijalnim ponuđačima, a koji Aneks 5 su ponuđači bili u obavezi da koriste prilikom izrade svojih ponuda.

Dakle, imenovani ponuđač je u svojoj ponudi dostavio Aneks 5 – Nacrt ugovora koji nije u skladu sa izmijenjenim Aneksom 5 – Nacrt ugovora, a koji je Ugovorni organ objavio u prilogu Tenderske dokumentacije na Portalu javnih nabavki BiH na adresi ejn.gov.ba.

Nadalje, ponuđač „SAGA ENERGY“ d.o.o. Sarajevo je u Obrasu za cijenu ponude (Aneks 3), koji je dostavio na strani 15 svoje ponude, propustio da upiše naziv proizvođača, oznaku proizvoda i zemlju porijekla za ponuđenu stavku, što je u suprotnosti sa zahtjevima iz tačke 7.1 i 7.1.1 Tenderskog dokumenta. Tačkama 7.1 i 7.1.1 Tenderskog dokumenta jasno su definisani zahtjevi vezani za obrazac za cijenu ponude (Aneks 3):

7.1 Obrazac za cijenu ponude (Aneks 3) koji je dat kao u Aneksu 2 Uputstva o načinu i pripremi modela tenderske dokumentacije, se priprema u skladu sa zahtjevima iz tenderske dokumentacije i čini sastavni dio tenderske dokumentacije.

7.1.1 Ponuđači su dužni dostaviti popunjen obrazac za cijenu ponude u skladu sa svim zahtjevima koji su definisani, za sve stavke koje su sadržane u obrascu. U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbačena.“

Slijedom naprijed navedenog, ponuda ponuđača „SAGA ENERGY“ d.o.o. Sarajevo nije prihvatljiva za Ugovorni organ.

- **Dalje, uvidom u priloženu dokumentaciju i suštinskom provjerom sadržaja i validnosti dokumentacije ponuđača „TRIGMA“ d.o.o. Banja Luka**, Komisija je konstatovala da je imenovani ponuđač na strani od 2 do 4 svoje ponude dostavio Aneks 2 – obrazac za ponudu u kojem je, u cilju dokazivanja ispunjenosti uslova za primjenu preferencijalnog tretmana domaćeg (preferencijalni faktor), te Izjavu ponuđača pod tačkom 7.1 USLOVI ZA PRIMJENU PREFERENCIJALNOG FAKTORA zaokružio DA.

Takođe, imenovani ponuđač je u sklopu svoje ponude na strani 50, a u cilju dokazivanja ispunjenosti uslova za primjenu preferencijalnog tretmana domaćeg (preferencijalni faktor), dostavio Potvrdu izdatu od strane Spoljnotrgovinske komore Bosne i Hercegovine broj: 05-05-3-27-BL-649/21-3 od 04.06.2021. godine sa sljedećim elementima:

„Potvrđuje se da niže navedene robe zadovoljavaju uvjete za izdavanje certifikata o bh porijeklu:

1 MAZUT (lož ulje-srednje)

Proizvode iz prethodne točke proizvodi društvo IZOBIT d.o.o. Brčko Distrikt, koji se identificira sa ID: 4600291990004, čija je pretežna djelatnost proizvodnja rafiniranih naftnih proizvoda.

Proizvode iz prethodne točke distribuira društvo TRIGMA d.o.o. Banja Luka.

Potvrda služi u postupku javne nabavke kod ugovornog organa MH ELEKTROPRIVREDA RS ZP RUDNIK I TERMOELEKTRANA UGLJEVIK (Portal javnih nabavki, obavještenje o nabavci broj: 1276-1-1-300-3-311/21 od 19.04.2021. godine).

Potvrda se izdaje u smislu člana 67. Zakona o javnim nabavkama BiH (Službeni glasnik BiH broj 39/14) i Odluke o obaveznom korištenju preferencijalnog tretmana domaćeg u postupku javnih nabavki (Službeni glasnik BiH broj 34/20) a u postupku provedenom u skladu sa članom 163. Zakona o upravnom postupku.“

Dakle, iz Potvrde izdate od strane Spoljnotrgovinske komore Bosne i Hercegovine broj: 05-05-3-27-BL-649/21-3 od 04.06.2021. godine, proizilazi da je društvo „IZOBIT“ d.o.o. Brčko Distrikt“ proizvelo **MAZUT (lož ulje-srednje)**.

U skladu sa navedenim Komisija je, a imajući u vidu opštepoznatu činjenicu da ne postoji Rafinerija nafte u Brčko Distriktu, te da „Rafinerija nafte Brod“ a.d. Brod, kao jedina domaća kompanija za preradu nafte i proizvodnju naftnih derivata, nije u pogonu, izrazila sumnju da se MAZUT (lož ulje-srednje) proizvodi u BiH, te je donijela zaključak da se Spoljnotrgovinskoj komori Bosne i Hercegovine uputi Zahtjev za dostavu informacija u kojem će zahtjevati pojašnjenje na osnovu koje dokumentacije je ponuđaču „TRIGMA“ d.o.o. Banja Luka izdata navedena Potvrda broj: 05-05-3-27-BL-649/21-3 od 04.06.2021. godine, te da li je društvo „IZOBIT“ d.o.o. Brčko Distrikt proizvođač ponuđenog mazuta, a sve u svrhu kako bi ovaj Ugovorni organ donio zakonitu odluku i izbjegao eventualne žalbe ostalih učesnika u predmetnom postupku nabavke. Komisija za javnu nabavku je konstatovala da se za realizaciju Zaključka zaduži sekretar Komisije, te da se sljedeći zatvoreni sastanak Komisije održi nakon što Spoljnotrgovinska komora Bosne i Hercegovine dostavi zahtjevane informacije.

Drugi zatvoreni sastanak Komisija za javnu nabavku je održala dana 21.10.2021. godine.

Sastanku su prisustvovali predsjednik, članovi i sekretar Komisije za javnu nabavku.

Sastanak je otvorila i uvodnu riječ dala predsjednica Komisije, istakavši da je realizovan zaključak sa sastanka Komisije koji je održan dana 12.10.2021. godine.

Naime, Spoljnotrgovinskoj komori Bosne i Hercegovine upućen je Zahtjev za dostavu informacija broj: 28226/21 od 13.10.2021. godine, a u kojem je zahtijevano pojašnjenje na osnovu koje dokumentacije je ponuđaču „TRIGMA“ d.o.o. Banja Luka izdata Potvrda broj: 05-05-3-27-BL-649/21-3 od 04.06.2021. godine.

Spoljnotrgovinska komora Bosne i Hercegovine je putem mejla dana, 19.10.2021. godine u 11.44 časova dostavila Informaciju broj: 05-05-3-1086-2/21 od 14.10.2021. godine, koja je na protokolu Ugovornog organa zavedena pod brojem: 28712/21 od 19.10.2021. godine, te je takođe putem pošte dostavila Informaciju broj: 05-05-3-1086-2/21 od 14.10.2021. godine, a koja je na protokolu Ugovornog organa zavedena pod brojem: 28712/21 od 19.10.2021. godine.

U navedenoj Informaciji Spoljnotrgovinska komora Bosne i Hercegovine je pojasnila na koji način i na osnovu koje dokumentacije je ponuđaču „TRIGMA“ d.o.o. Banja Luka izdata Potvrda broj: 05-05-3-27-BL-649/21-3 od 04.06.2021. godine, te je Komisija konstatovala da će se u skladu sa navedenom Potvrdom, a u svrhu poređenja ponuda, na ponudu ponuđača „TRIGMA“ d.o.o. Banja Luka primijeniti preferencijalni tretman domaćeg u odnosu na ostale prihvatljive ponude.

RANG LISTA PRIHVATLJIVIH PONUDA

U skladu sa članom 64. Zakona o javnim nabavkama, na osnovu kriterijuma najniže cijene prihvatljive ponude, utvrđena je sljedeća rang lista ponuđača:		
	NAZIV PONUĐAČA	CIJENA BEZ PDV-a
1.	„TRIGMA“ d.o.o. Banja Luka	9.282.500,00 KM, što nakon primjene preferencijalnog faktora domaćeg iznosi: 6.497.750,00 KM
2.	„HIFA – PETROL“ d.o.o. Sarajevo	7.110.000,00 KM
3.	„SUPER PETROL“ d.o.o. Banja Luka	7.752.270,00 KM

Nakon rasprave u kojoj su učestvovali svi članovi Komisije doneseni su sljedeći zaključci:

Zaključak 1

S obzirom da je tačkom 8.2 tenderskog dokumenta predviđeno provođenje E-aukcije i da su za predmetnu nabavku prihvatljive ponude tri ponuđača, u skladu sa članom 4. (Zakazivanje i početak E-aukcije) Pravilnika o uslovima i načinu korištenja E-aukcije (Službeni glasnik BiH broj 66/16), Ugovorni organ će zakazati E-aukciju.

Zaključak 2

Za realizaciju zaključka zadužuje se sekretar Komisije.

Zaključak 3

Sljedeći sastanak Komisije održaće se nakon okončanja E-aukcije.

Treći zatvoreni sastanak Komisija za javnu nabavku je održala dana 25.10.2021. godine.

Sastanak je otvorila i uvodnu riječ dala predsjednica Komisije, istakavši da su realizovani zaključci sa sastanka Komisije održanog 21.10.2021. godine. Naime, Ugovorni organ je u skladu sa članom 4. (Zakazivanje i početak E-aukcije) Pravilnika o uslovima i načinu korištenja E-aukcije („Službeni glasnik BiH“ broj 66/16) zakazao E-aukciju za dan 25.10.2021. godine, sa početkom u 9:00 časova. Zakazana E-aukcija održana je dana 25.10.2021. godine u periodu od 9:00 časova do 9:20 časova.

KONAČNA RANG LISTA PRIHVATLJIVIH PONUĐAČA KOJI SU UČESTVOVALI U E-AUKCIJI

Nakon održane E-aukcije izvršena je ekonomska evaluacija ponuda, te utvrđena konačna rang – lista ponuđača:

U skladu sa članom 64. Zakona o javnim nabavkama, na osnovu kriterijuma najniže cijene prihvatljive ponude i rezultata provedene E – aukcije, utvrđena je sljedeća rang lista ponuđača:			
	NAZIV PONUĐAČA	CIJENA BEZ PDV-a, prije E-aukcije	CIJENA BEZ PDV-a, nakon okončane E-aukcije
1.	„TRIGMA“ d.o.o. Banja Luka	9.282.500,00 KM, što nakon primjene preferencijalnog faktora domaćeg iznosi: 6.497.750,00 KM	9.282.500,00 KM, što nakon primjene preferencijalnog faktora domaćeg iznosi: 6.497.750,00 KM
2.	„HIFA – PETROL“ d.o.o. Sarajevo	7.110.000,00 KM	7.110.000,00 KM
3.	„SUPER PETROL“ d.o.o. Banja Luka	7.752.270,00 KM	7.752.270,00 KM

Komisija za javnu nabavku, nakon ocjene ponuda, te provedene E – aukcije, konstatuje da je najpovoljnija ponuda ponuđača „TRIGMA“ d.o.o. Banja Luka, te je predložio njegov izbor.

U postupku donošenja Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu prispjelih ponuda, u skladu sa kriterijumima iz tenderske dokumentacije.

U postupku ocjene provedenog postupka, Uprava Preduzeća nije našla razloge nepravilnosti niti propusta u radu, koji bi eventualno bili osnov za neprihvatanje Preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila u skladu sa Zakonom, podzakonskim i internim aktima i tenderskim dokumentom.

Iz navedenih razloga, primjenom člana 64. ZJN BiH, te člana 57. Statuta MH „ERS“ MP a.d Trebinje – ZP „RiTE Ugljevik“ AD Ugljevik, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Kancelariji za razmatranje žalbi, putem Ugovornog organa, u pisanoj formi direktno ili preporučenom poštanskom pošiljkom na adresu: Mješoviti Holding „ERS“ - MP a.d. Trebinje ZP „Rudnik i Termoelektrana Ugljevik“ a.d. Ugljevik, Ugljevik bb, 76330 Ugljevik. Žalba se podnosi u najmanje 3 (tri) primjerka.


ZA UPRAVU
V.D. DIREKTORA
dr Čedomir Stojanović, dipl.inž.


V.D. Izv. dir. za posl. proiz. el. ener. i razvoja Termoelektrane

V.D. Izv. dir. za posl. proiz. uglja i razvoja Rudnika

V.D. Izvršnog direktora za ekonomsko-finansijske poslove

V.D. Izvršnog direktora za korporativne poslove

V.D. Izvršnog direktora za opšte i pravne poslove



Dostavljeno:

1. Ponuđačima,
2. Upravi,
3. Komisiji za nabavke,
4. Sl. za pravne i korp. posl.,
5. a/a.